

乾隆杭州府志

杭州府志卷九

祠廟三

海寧

富陽

餘杭

臨安

於潛

新城

昌化

海寧州

先農壇

在春熙門外東廓十八都一亩

國朝雍正五年建立壇宇并置耜田四畝九分

浙江通志下同

社稷壇

在城北白馬廟後宋政和間令歐陽珣卽舊址

新之元明屢更正德三年知縣丁儀復建今處增置宰牲

齋宿等宇

歐陽珣記古者建國設都先立社稷以民非穀不養非土不生立五土五稷之神而祀之不忘本也鹽官雖窮隘僻在而舊壇具存卽其舊而新之社壇居左稷壇居右就社稷之左右別爲兩壇祀雷雨風雲而又設燎壇于其東建

蕭廳于其北直北爲一門自門之左右皆立垣墉以爲衛焉其他陞級之數廣狹之度率按圖而爲之自是薦獻之吏升降俯仰莫不祇肅於歲選哉

風雲雷雨山川壇（舊在縣南二百五十步明成化十五

年重建去城八十步正德三年知縣丁儀增置屋垣嘉靖

十年重修

萬歷舊志

邑厲壇 在縣治北二百六十步以歲久爲民居侵佔乾

隆二十二年知縣金鰲清還舊址二十八年知縣黃簪世

倡捐邑人助建官廳并前後軒牆門

海寧縣志下並同

鄉厲壇 一在元吉西鄉一在時和鄉一在昌亭鄉一在

元吉東鄉一在長平鄉一在靈泉鄉

城隍廟 舊在縣治東後移建縣西二百五十二步

國朝雍正十三年邑人葛世雯捐修又袁花鎮龍尾山有城隍行官雍正間建

按城隍之神與風雲雷雨山川之神同不當以人鬼祀之舊縣志載此州城隍姓羅名俊本邑轉塘人宋金壇令有惠政卒官民祠祀之四月十一日爲神誕辰夫爲令有惠政畏壘之思當尸祝於金壇何以獨祀於海寧舊縣志亦祇據里俗相傳之說爾

旗纛廟 在海寧所廨後明洪武二十五年立

潮神廟 在小尖山麓

國朝康熙五十九年巡撫朱軾奉

勅建六十一年

勅封運德海潮之神中懸

御書協順靈川四字額前殿側有亭供設天妃

查慎行詩路轉山迴海接天高堯巨構鎮山前神封不必
公侯重

睿添

長如日月懸雲散蜃樓呈象出波平龍窟抱珠眠堯民同

君王祝萬

年

勅封海神廟 在縣春熙門內

國朝雍正七年九月欽奉

上諭勅建浙江總督李衛欽遵擇海寧縣治之春熙門內購買民

地四十畝起建居中正殿五楹崇奉蓮德海潮之神左右配殿各三楹以歷代湖神水神從祀其神爲越上大夫文種漢忠烈公霍光晉橫山公周凱唐潮王石瑰昇平將軍胡暹宋周宣靈王雄平浪侯捲簾使曹大將軍春護國宏佑公朱葵廣陵侯陸圭靜安公張夏轉運使判官黃恕元平浪侯晏戍仔護國佑民永固土地彭文驥烏守忠明寧江伯湯紹恩茶槽土地陳旭殿之周廻夾以修廊中爲甬道前爲儀門三楹大門三楹左鐘樓右鼓樓門臨大河承以石梁曰慶成橋橋南歌舞樓三楹繚以粉垣闢左右爲廣衢表以二石坊殿後爲重門進內正中恭建

御碑亭敬勒

聖製海神廟碑文後爲寢殿上構岑樓東西配殿由正殿之東壁門而入爲天后宮前爲齋宿廳後爲道院正殿之西爲風神殿後有池有亭池上爲平橋三折而度內爲高軒爲重門後爲水仙閣規制崇闋氣象肅穆經始于雍正八年三月以明年十有一月訖工十一年正月頒

御書福寧昭泰四字一幅額懸正殿遣內大臣海望告祭

浙江通志 乾

隆四年

御書清宴昭靈四字額懸殿中十六年

鑾輿幸浙遣都察院副都御史胡寶琮致祭二十年知縣蔡其

昌重葺二十二年

重幸遣散秩大臣伯永慶致祭二十三年知縣金鰲重修御碑亭二十七年三月

聖駕巡視海塘詣廟拈香

御製碑文四十五年四十九年並蒙

臨幸

海寧州志
下並同

福寧宮 在尖山西麓爲海神行祠乾隆五年建

觀音廟 在尖山巔雍正十三年副都統隆昇奉

勅建大殿三楹東西配殿六楹旁及遊廊爲僧寮前爲垂花門爲御碑亭爲鐘鼓樓又前爲山門乾隆二十七年三月

聖駕巡視海塘後啟建

御座亭臺

東岳廟 在縣東南二里朔自宋熙寧間紹興初徙神宅

于廢學基在邑東南數百步瀕海咸淳志成化丁酉潮嚙徙

內地二里許歲久圯正德戊寅重建後廢脩不一有樓曰

五岳邑令率屬迎春東郊必始于此又有廟在硤石鎮審

山朔于元至正間明成化三年修

國朝順治四年復新之舊海寧縣志

胡奎五岳樓詩五岳萃靈氣巋然見高標上凌三素雲仰見九層霄玉女啟天闕參差紫宸朝羣龍翔殿陛雙鸞夾

笙簫倚闥待明月清露下吹寒游神八表外何風飄

鎮海廟 距城南百步負郭面塘祀捍海諸神明崇禎戊

辰海決潮水高丈餘廟內獨不入人咸異之

海寧縣志

朝宗王廟 在縣西七十里

咸淳志

朱高宗祝文諸侯之朝王孰敢不欽子孫之祖宗孰敢不尊江漢之朝宗于海無以異于此廟號以是神之德大矣乃緣初郊舉此祀與樽酒俎肉以祈來格

龍王廟 舊在城南捍海塘之陽雍正間移建塘內山川

壇右官民禱雨于此

海寧縣志下同

龍祠 在長安中間龍潭上宋咸淳年建

國朝乾隆二十七年重建

崇祐廟 在縣東八十二里金牛山下宋紹興十一年以

禱雨驗勅賜今額

萬歷舊志

俗云烏龍大王廟

舊志

萬口遐記召南懷甘棠之愛孰謂民愚大雅紀崧高之神以其地勝海昌邑踰二舍則有南路場冠諸峰則有龍井廟炳靈久矣祠不建于昔而建于今不建于他而建于神靈之宇必有因是而知隱顯之不可昧者云

天后廟 在縣東五里元大定四年海患庸田副使張子

仁建今移置縣西三十步

舊海寧縣志

按興化府志天后林姓世居莆之涓洲嶼五代閩王時都巡檢愿之第六女太平興國四年三月二十三日始生而地變紫有祥光異香通悟秘法預知休咎鄉民以疾告輒愈長能乘席渡海乘雲渡島嶼間雍熙四年二月十九日升化後常衣朱衣顯聖海上里人祠之禱雨

賜輒應莆田縣志元海運時封天妃明洪武間封聖妃
永樂七年復加封宏仁普濟護國庇民明著天妃二條
紀天后生卒及前代封號特詳餘見前順濟廟丁伯桂

廟記

三皇廟 舊在縣東南二里元至正十九年築城遷縣治

西北二百三十步

成化舊志

黃滔三皇廟記延祐五年知鹽官州張侯克明以邵使者
北阜張公之命肇建三皇廟于州之東南泰定元年方侯
存心繼知是州增創東西廡及儀門後改號州曰海寧而
李侯擊以至元三年來知州事又爲造禮器遷樞星門前
臨通衢右廟而左學齋廡庖舍次第畢完今知州張侯莅
事之明年至正二年也集僚佐覈俸貲置田五十三畝有
奇歲入以紹祀事有餘以待營葺之須來徵文以記之按
宋元嘉中醫始有學唐天寶間三皇始有廟言醫及陰陽

者乃原其所自推三皇以爲先聖天下都邑咸得通祀焉夫三聖人之道既非一藝可以名言而其功亦無一物可爲報稱茲不敢復贅一辭姑叙其建置之顛末而著其成規以爲之記張侯名光祖字載熙霍山人

禹秦二王廟 在硤石鎮會通橋西隋大業間建今稱社

廟 硤川志

按志稱廟始于隋其來久矣而所祀之神紀載紛紜說無定論舊府志載宋景祐四年贊寧大師撰記云封岱宗而禪會稽就茲稅輦祀蓬萊而禳王氣于此舍航以疏鑿山川翕張鬼神故立禹秦之祠禦焉是以大禹秦王至會稽皆由硤中渡立廟于此乃明沈祐碑則以禹秦爲姓王爲封號禹烏程之紫林村人秦臨平人同仕

東魏失其名字及所以封之故陳志則并載禹名誓秦名瓊協忠錄則又以禹秦爲封號沈友儒記又以禹秦爲隋唐人同生于三月五日盟爲兄弟以戰功封王俗語不實流爲丹青竊謂贊寧宋人其論可憑且尚近理諸說附于後不待辨而知其妄矣

秦王廟

在縣東一十八里

咸淳志下同

按此專祀秦王宋時亦已有之則二王廟之爲並祀無疑

徐偃王廟

在縣西十七里

伍公廟

在南門外元大德三年以海患加封曰忠孝威

惠顯聖王先是廟圯後重建背南城在捍海塘之南舊志

西楚霸王廟 在縣西三十二里咸淳志

蕭王廟 在縣西一十七里文進橋南明嘉靖間勅封土

毅神蕭大明王

國朝乾隆十四年里人重修海寧縣志

關帝廟 在鎮海門內明崇正二年燬邑人重建城五門

四鎮各鄉俱有廟祀舊海寧縣志

陸司空廟 在縣東四十八里祀吳陸遜遜嘗以屯田都

尉領邑事有惠于民故立祠祀焉萬歷舊志

驃騎蘇將軍廟 在縣東南四十五里海寧縣志祀晉驃騎將

軍蘇舉舉字子羽封烏程侯宋武帝嘗夢其神贈平南將

軍咸淳

志

崔府君廟 在縣東北一百四十步元至正二十一年重

建

國朝康熙十四年知縣許三禮建太歲殿于廟左

舊志

乾隆二十

七年重修

海寧縣志

許公廟 在縣西一百三十步祀唐睢陽太守許遠

海寧縣志

梁大同二年建後增祀張中丞巡城雙廟宋紹興八年以

邑人禮部侍郎張九成請增祀南霽雲雷萬春姚閻

咸淳志

明洪武四年以海寧爲公所產地宜專祀罷諸增祀者仍

從生爵爲睢陽太守改舊封荊州大都督之號祭以歲十月十六日公死節之辰正德十六年易以春秋致祭萬歷

間燬天啟元年重建

萬歷舊志

鍾必萬廟記熙西舊有將軍許公祠後增祀張越亦號雙廟歲月失載不可考宋紹興八年詔增祀南霽雲雷萬春姚問古屋數椽日耀覆壓甚不稱上之人所以訓民事神之意紹熙元年知縣事會稽陳恕謁祠下嗟惋良久越明年歲豐民和始謀于邑之隱君南豐曾伋撤廢尼院舊殿增易之踰年工未就恕受代去伋不忍中輟于是竭力勸諭隨獲隨創積六年而廟成實慶元二年也前殿三楹像設巍巍神來顧欲罔不肅祇遂取唐史臣之贊榜之曰雄挺盡節之殿挾以兩廡圖睢陽死節將佐三十有二人翌以簡廊十有六楹盡繪戰守之蹟于壁金碧見輝觀者心悻不翅若親目當日之事竊觀先王之典以死勤事則祀之若此五公者非所謂以死勤事者乎中興初皆賜上公爵俾歲時長吏致祭祀豆牲牢名物如上公禮勤民之意遠矣鹽官許公故里舊史與圖志可據也蜀新史畧之或

遂以公爲敬宗曾孫乃誣公杭之新城人殊失建祠錫爵之本意吁可嘆哉敬宗蓋善心之子而善心則亨之子懋之孫也按北史善心傳南史懋傳並著郡里高陽新城以此知舊史載敬宗杭之新城者誤矣後之人不考併公誣之烏得無辨若夫公之名節爛然與日月爭光自有傳不必序其行事特正其鄉里以堅邑人之信慕安知無聞其風而作興者乎 文天祥詩起師哭元元義氣震天地百戰奮雄姿爵妾士揮淚睢陽水東流雙廟垂百世當時令狐潮乃爲賊遊說 聶大年詩睢陽城中箭如雨百戰疲兵食茶紙將軍力盡孤城危三十六人同日死當時南八真男兒嚙指出血空淋漓賀蘭擁兵坐不救肯與社稷同安危諸君赤心思報國慷慨殺身全大節死爲厲鬼亦何雄誓欲復讐終滅賊堂堂廟貌海昌城歲時舛蠶通精誠皇天后土鑒忠義萬古千年垂令名悲風蕭蕭撼庭樹讀罷穹碑毛髮豎方今六合久清寧不辨魚麗分守處

按鍾必萬記考善心先代以正史爲据其論辯矣至謂遠非敬宗曾孫則持論尙爲未覈舊唐書云遠曾祖高

陽公敬宗新唐云許遠者右相敬宗曾孫通鑑亦作敬宗曾孫是其說非可盡翻也舊志列許善心於忠臣已爲辨正矣唐書明著遠爲鹽官人今仍列之忠臣傳海寧州之廟爲鄉賢之分祀者合於祀典尤當久而不廢者也舊志謂遠六世孫名慶避黃巢之亂由昌化入新城以存宗祀宋乾道二年縣令耿秉建祠于塔山祀遠錄慶之孫主祀夫忠臣之子孫遷移遠近其勢不能盡見於正史千載而下難以臆斷茲存其所可考者而疑似之說姑從闕如

故廟 在縣東北四十里泗水亭後祀唐睢陽太守許遠

亭爲睢陽讀書處乾元初公子玟建廟于亭卽故廟也

國朝康熙五十六年禮部尚書許汝霖增建廟宇五楹重飾塑像置田奉祀乾隆十七年汝霖孫承祖重修增置田畝

海亭

縣志

談遷故廟記繫我鹽官有忠節許公殉睢陽以障江淮輕七尺以安九廟生致東都畢命偃師至至德二載之十月旬日反塋故里楊園村田叔禾云葬洛塘意其時馬鬣崇封蘋藻修潔寧惟是三尺之土已也宜有廟而掌故失載臨安志云雙廟在縣西由今思之洛塘故廟因雙廟而故也至德二載迄唐未百四十年安有曠代之久墟墓生哀不廟貌其間乎初專祀公無疑第安石之白碑未立申胥之祠額易訛于是漆燈未滅頓值沈彤武庫方營遽侵擄里悲哉乎後之人耽耽焉穰竊尺寸寧能追獎忠魂仰安貞魄全東平之塚樹表太師之泉臺哉猶未已也併故廟而佚之厝若下鬼夷于叢祠名實俱喪胥蠻無聞僅耐公于右沿流忘源如此吾未知其可也遷獲私淑千載之下

俛仰往蹟幸釐正其事以歸之我公云

雙仁祠 在城西北安化坊吳越武肅王建祀唐贈太師顏真卿以其從兄贈司徒杲卿並饗元末燬明正德九年知縣曹珪重建嘉靖二十八年知縣高尚志飾而新之扁

曰雙仁

萬歷舊志

文天祥詩平原太守顏真卿長安天子不知名一朝漁陽動鞞鼓大河以北無堅城君家兄弟奮戈起一十七郡連城盟賊聞失色分軍還不敢長驅入咸京明皇父子得西狩由是靈武起義兵唐家再造李郭力逆賊牽制公威靈哀哉常山賊鉤舌公歸朝廷氣不折崎嶇坎珂不得去出入四朝老忠節當年幸脫安祿山白首竟陷李希烈希烈安能遽殺公宰相盧杞蔽日月亂臣賊子歸何所茫茫烟草中原土公祀于今六百年精忠赫赫雷行天

按海寧舊志謂顏魯公祖昌任鹽官州判父必寧占籍

鹽官萬歷府志據之且謂縣志原吉鄉有公墓其說與正史及墓志家廟碑迥異詳辨在忠臣卷中蓋諸志之誤皆由錢武肅建祠而致疑耳不知忠孝之氣如水無不至不必里人然後廟祀之也

福濟廟 在金牛山下祀唐臯蘇二將相傳二將逐黃巢至此不獲遂死之因立廟

萬歷舊志

紹興十年禱雨應勅賜福

濟廟額

咸淳志

宋高宗視文義氣同稟剛毅莫儕何焉來此緣逐金牛牛沒尾掉空回可羞拔劍自刎曾無怨尤人亡廟存英氣橫秋

按祝文與志所稱異而宋圖經亦作逐黃巢不獲死之

與志同俟考

胡令公廟

在長安鎮祀唐胡暹

舊志

徐國廟碑記令公字進思婺州東陽義烏人唐憲宗朝佐
裴度平淮西以功陞武任將軍宣宗時奉命至海昌名禪
門齊安國師師演法謝思就坐而化將軍回至長河過海
神祠亦立化于庭有司申聞宣宗遣桑稱二御帶追封齊
安爲悟空禪師進思爲昇平將軍與海神共祀至宋康王
南渡乘駿過長河無船可渡入廟叩之出門忽有大舟迎
王王問其名曰桑稱二姓本里胡進思家人也建炎元年
遣官召進思併桑稱二人里中並無因廟中有胡將軍碑
載將軍往海昌召齊安國師事蹟州官申復降詔勅封令
公海神與桑稱皆進王號同祀土穀廟號威烈赫靈之殿
泰定間復有方太守入廟禱祀蝗不入境之異其父方虛
谷任婺州路侯備知令公事蹟婺州見有永康縣胡公祖
廟太守命里人重立碑石云陸嘉淑詩長河壩側水潺
湲照淡靈旗閃夕烟泥馬汗銷人事改神弦猶唱建炎年

按五代史胡進思以舊將廢吳越王侑而立俶傳會者

輒謂令公于吳越時曾築運塘爲令公塘故有廟縣志
取其說列于前而附錄徐記于後殆以進思爲吳越時
人也徐記所載進思乃字而五代史之進思是名且徐
記所載其生有里居有事蹟其歿有封號時代歷歷可
據蓋唐時令公與五代之舊將屬兩人無疑矣縣志不
察反以爲游談俚鄙殊失考據且縣志旣載宋圖經令
公未詳其始一條則志與記但當兩存何獨偏袒前說
今從通志載徐記而詳加辨正焉

白馬神廟 在縣北二里舊云金人入境見田野間白馬

甚衆竟不敢入

咸淳志

宋高宗祝文英烈不羣捍難庇民廟號白馬史冊莫尋海
昌良工塑像如神彷彿而馭先無若存有捕盜者得夢既
禽人知畏嚮血食幾春天子初郊典祀徧行樽酒俎豆以
祀神欲沈友儒重修記海昌北門外舊有白馬神廟卽
宋思陵著爲釐祝而報功者也成化二十一年延恩寺僧
如巒繕治里老協助之十二月鳩工明年三月落成邑北
直當運塘堪輿家謂宜有神鎮之廟東南先有華光橋上
建重屋三間南供大士北禮真武正德二年屋被鬱攸神
像獨存移置今廟脾蠶滋新里人張秀捨石豎碑乞言以
詔後余惟捍患禦災有功德于民則祀之禮也若白馬諸
神可與土木文繡竭民牲
醴空肥巫祝者同日語哉

朱將軍廟

在縣東三十六里黃岡

成化舊志

神爲邑人朱葵

能拔牛尾倒行宋治平初溺海爲神著靈應寶祐三年勅

封佑靈將軍

舊志

朱一是記公母查氏治平四年二月生袁化里有絕力年
三十九高于海而歿崇寧三年八月也紹興中丞相趙忠

彥奏封太尉寶祐二年秋早兼潮患禱之而應封靈佑將軍元大德三年建祠崇祀尋加封護國將軍明永樂十八年赭山海門大決保定侯賚御製文致祭十九年議建新廟即天仙府廟中附英濟侯張公張裔出蕭山贅海寧陸氏捍江靖海感應與公埒故率連祀之

安化王祠 在三管墩去邑治五十里祀宋王稟明天啟

中知縣鮑觀光移建縣東偏隙地歲時致祭

海寧縣志

許三禮碑記王于靖康元年以都統與子荀守太原兵單力竭太守張孝純議降王叱之列兵死守城陷王父子相隨入原廟負太宗御容同赴汾水以殉高宗駐蹕臨安念王父子殉節追封爲安化郡王謚忠壯子荀贈右武大夫恩州刺史冢孫沆高宗賜第鹽官故其後爲之立祠

張文忠公祠 城南書院中祀宋禮部侍郎贈太師謚文

忠張九成

萬歷舊志

于有成祠記無垢先生張公九成以紹興二年廷魁天下官至禮部侍郎高宗欲大用之適與時宰議論不合謫居南安十有四年放還守永嘉未幾奉祠歸里終于鹽官紹定二年縣宰趙汝船來首率諸僚建祠于淨居寺之堂上昭烈王祠 在縣東二百五十步葆真菴後宋慶元三年

主簿趙希楷建嘉定元年宜興丞趙彥楷又立祠于安國寺東後祠廢列像于雙仁祠明嘉靖二十八年知縣高尚

志移祀南門外今莫詳其處

舊志

翁使君廟 在縣南二里

咸淳志

英濟侯廟 在縣東三十里祀蕭山布衣張六濁海爲神

俗稱捍沙大王宋咸淳間賜額

舊志

周宣靈王廟 在硤石審山舊祀橫山明嘉靖中顯靈于

此建廟祀之

硤川志

閻少卿廟

在縣西南六十里

咸淳志

金龍四大王廟

在長安鎮古旌忠寺東

國朝乾隆二十二年建

海寧縣志下同

巖峰曹將軍行祠

在縣西南四十五里巖門山祀邑人

曹春元潘萬選撰記明崇正間重修

傘樹廟

在長安鄉桐木港宋兵部侍郎章之光建于別

墅後捨爲僧菴因傘林村得名

舊志

古彭烏廟

在教場祀元勅封護國佑民永固土地彭文

驥烏守忠又有廟在春熙門外七里

海塘通志

廣福廟 一在縣西四十里兵燹不存一在慶善教院至

正十九年築今不存

海寧縣志

錢公廟 在洛塘前步橋北祀里人錢通元泰定間通有

德于鄉死而祀之水旱災疾禱輒應明談遷記相傳廟南

河洲卽公葬處

舊海寧縣志下同

貢尚書祠 在安國寺東祀元尚書貢師泰

朱嘉徵詞記元至正間先生以秘書召嗣擢大司農被命治粟闔粵時道梗留居余家小桃源里九世祖質夫公錢執經焉明興先生耻事二姓有終焉之志朱文憲廉銜命往強起之先生無言一夕仰藥而卒萬歷七年公諸孫貢禮卜地安化坊于安國寺東建祠肖像題額貢尚書祠

靈順行祠 在縣西北二百六十步明洪武十一年建不

知神始末

舊志

五土廟 在縣治東北一里祀五穀神

國朝康熙四十三年廟燬重建乾隆十二年增建山門自明季

迄今爲尼菴

海寧縣志

按此卽里社祀五土五穀之神旣爲尼菴姑附載于此

新廟 在郭溪南邑人徐寬捨田建

舊志

致忠祠 在城內祀明副千戶呂忠正德八年奉檄勦姚

源洞賊力戰死有司建祠歲以正月二十三日祭

萬歷舊志

周將軍廟 在黃山祀明都指揮周應禎嘉靖三十三年

倭寇掠袁化市應禎戰歿邑人建祠致祭

舊志下同

報功祠 在西路場西倉祀倡義減鹽課諸公朔自明萬
歷二十五年天啟二年重建大叅陳與相爲記

林公祠 在縣北半里光華亭內祀名宦林恭章以耆德

俞良謨配良謨具呈派貼均差林力主之官吏領解均差

津貼閩邑賴之故祠

海寧縣志

忠義節孝祠 忠義祠三間碑一座在學宮櫺星門內西
甬道側節孝祠三間牌坊一座在學宮外泮池西

國朝雍正三年知縣鍾維楷奉文建

浙江通志

文昌宮 在長安鎮

國朝乾隆元年知縣林緒光朔建二十四年知縣劉純緯復建

前殿

海寧縣志

富陽縣

先農壇

在城外一里東郊地名花塢口

國朝雍正六年知縣崔宣奉文建立壇宇并置藉田四畝九分

浙江

通志

社稷壇

在縣西二百步元建官路北後移于南明宣德

十年知縣吳堂葺

萬歷舊志

風雲雷雨山川壇

在縣東一里觀山之上明宣德十年

知縣吳堂重葺後移小龜山上

舊志

邑厲壇

在縣北二百步

萬歷舊志

鄉屬壇 一在富春鄉一在豐義鄉一在惠政鄉一在仙山

鄉一在長春鄉一在詠歌鄉一在臨江鄉一在永豐鄉一

在義安鄉一在慈孝鄉

成化舊志

城隍廟 在縣東二百步明洪武丙午行省平章政事李

文忠重建正統四年知縣吳堂脩建萬歷三十二年知縣

王橋重脩後燬于兵

國朝康熙三年知縣朱永盛重建

富陽縣志

葉廣居廟記富易爲杭屬邑濤江抗其陽羣山走其陰堞
雉周宏淵序濶列生聚攸蕃歲丙午十月今浙江等處行
中書省平章政事李公文忠受鉞王庭躬討不服至于斯
域俟蘇之望旣慰勞來之恩斯洽乃按師旅脩郡祀先是
城隍有祠久圯于兵弗葺也公齋沐訪其遺址時基隱附
不稱明裡中心懷之未逾月杭城效附列郡翁應浙右土

疆誕收版圖治功既成公乃命麾下史伯勉卽其故址度相經營下者崇之隘者擴之闢其唐達以嚴以遠采木庀材陶瓦伐石捐其廩稍以興役作中爲大殿毀凡四楹後爲寢室室別兩序翌以長廡揭以脩門列像昭容儀衛森列凡崇奉之具無不畢給公躬書大字以著廟額屬廣居文以紀歲月

東嶽廟

在小龜山上明崇正七年知縣杜斗愚重建

富陽

縣志下
並同

玉虛殿

在觀山上祀真武明萬歷三十七年建

文昌社

在縣學東今移觀山上

仁惠龍王廟

在寶山院齊永明中有僧曇超居杭之靈

苑山有龍化爲老人詣超曰吾龍也昆弟五人吾居其長
邇鄉民耕山逼吾居室羣龍悉怒閉膏澤以害稼吾不忍

民困苦聞師道行請至富春鹿山以化伏諸弟超允其請
未卽往龍乃感夢于官民迎超至觀山結壇戒衆浮舟誦
經雨大霑足前龍復請超居湖南山巖山峻不能陟龍化
爲白馬載師以登至今石上馬跡猶存焉巖下有池名龍
潭水中產一種四足五爪狀若蝮蜒土人號爲龍子歲旱
禱之則應宋嘉定三年賜額仁惠今廢

舊志

龍王廟 在恩波橋西

國朝康熙元年知縣朱永盛重修圍以石闌岸甚堅緻

富陽縣志

赤松子廟 在縣東一十五里赤松子神農雨師也水旱

禱輒應居民祠之

萬歷舊志

三賢祠 在縣學左廡祠漢嚴光宋范仲淹蘇軾宋嘉定

間仲淹曾孫之柔爲邑令時建歲以釋奠後一日祭舊志

嚴先生祠 在觀山宋淳祐乙巳令李迪建有亭曰耕春

咸淳志元至正末燬于兵明洪武十九年重建宣德十年知

縣吳堂擴而新之萬歷二十九年知縣任才欽重修舊志

晉大年記富春令吳君新作嚴先生祠既成徵言記之按

先生辭諫議之職去耕釣富春山中富春今屬杭邑而桐

廬舊境也邑東有赤亭山相傳爲先生釣遊之處固宜有

祠祠之建莫原其朔始屋庠陋歲久將壓君以政事之暇

力改作之肖像以風厲其邑人可謂知所先務矣

關帝祠 在觀山南麓明萬歷七年建三十七年增修并

建玉虛殿藥師堂觀音閣崇正六年知縣杜斗愚重修

國朝康熙十年知縣牛奐重修又城西北一里餘後嶺亦有祠

有司于合祭日祀之又祠在縣北三十五里

富陽縣志
下並同

孫公祠 在慶善里祀漢處士孫鍾

夏凍廟 在長壽安辰界漢時勅封明萬歷四十五年重

建

靈惠廟 在縣西一里按郭氏家譜云侯名成字元禮仕

吳爲黃門侍郎封永興富春二縣侯後人因爲立祠嘉熙

四年勅以靈惠爲額封英濟侯

咸淳志

東平廟 在恩波橋西二百步祀唐睢陽太守張公又祠

嶺亦有張公祠

舊志

通聖侯廟 在縣南十五里五代末縣令陸仁瑄因祈禱
有應請于朝封爲通聖侯咸淳舊名宋明王廟卽今羅橋

廟舊志

張明府君廟 在縣北宋大中祥符間嘗宰是邑有惠于
民民感而祠之祠下有泉歲旱不竭禱之則應萬歷舊志

福佑廟 在長壽巨石洪山下祀神宋恭宋咸淳四年大
旱禱之雨立至禦災捍患屢有靈驗六年勅封昭澤侯賜

額元燬明洪武初復建浙江通志

正學祠 在縣北三十五里開化村祀宋周濂溪邵康節

張橫渠程明道伊川朱晦菴明薛文清胡敬齋陳白沙王

陽明十先生前爲文昌祠邑人邵光尹倡建

富陽縣志

四賢祠

在觀山上卽傳心堂改建祀宋陸九淵楊簡

任此邑主簿迎象山講學于此言下有契後人遂祀兩公
名雙明閣明嘉靖時益以分巡僉事韓邦奇焦煜同祀因

改今名

舊志

按縣志四賢祠在傳心堂後祀蘇軾韓邦奇焦煜附祀
本縣知縣王惟孝四公俱有功德于富陽邑人共祀之
與舊志異并載之

護邑侯廟 在縣北一十五里有神憑居民董君勝目稱

爲神禱卽應請于朝立祠封護邑侯

舊志
下同

安辰廟 在馴雉村元季燬明初因有虎害改安民殿今復新之

三師廟 在善政鄉屢治輒圯明洪武初邑人李子寧重

建

富陽縣志
下並同

永濟廟 在馴雉村舊名石八郎廟一作十八郎里人何永年建以已穀貯廟側歲賑鄉民因名永濟

國朝順治間里人新之

胡公祠 在縣南十里太平村孤山祀杭郡守胡濬濬于天順間行縣修築水閘民受其利祀之

十口廟 明萬歷間建

耿山廟 在安辰村祀興福明王

報功祠 在恩波橋西南一名三侯祠祀明知縣吳堂宋

時儒施得陽三公俱有功德于是邑邑人共祀之天啟間

知縣蕭岫重葺

舊志下並同

管公祠 在觀山麓祀明知縣管九臯公有德于民邑人

祀之今燬

杜公祠 在小龜山麓祀明知縣杜斗愚崇禎九年建

孫水部祠 在慶善祀郎中孫坤併其誥贈曾祖父

嵩陽縣志

按縣志祠廟有不知神姓氏本末及創建何代者在春
明則有白鶴廟在安辰則有高橋廟在白昇則有姥岑廟

在惠愛則有蕭史廟在祥風則有後江廟在胥湖則有白馬廟在麗景則有頂仙廟在靈峰則有靖安廟在大源則有杜澤廟在望仙則有杭渚廟在汀陰則有昌國廟在太平則有長沙廟在慶善則有張府君廟在慶護則有隆國廟在儀鳳則有蒼村廟在感化則有瓜墩廟在屠山則有越石廟在永寧則有側石廟在棲鶴則有殷祝廟又有觀廟并不詳在何處附錄于此

忠義節孝祠 忠義祠三間石碑一座在學宮節孝祠三間牌坊一座在東門外館驛基

國朝雍正四年知縣崔宣奉文建

浙江通志

餘杭縣

先農壇 在南門外東南隅二畝

國朝雍正五年知縣李宏沂奉文建立壇宇并置耜田四畝九

分

浙江通志

社稷壇 在溪塘之北去縣治西二里

萬歷舊志

風雲雷雨山川壇 在縣東南一里

成化舊志下並同

邑厲壇 在縣治之北

鄉厲壇 一在昭德鄉西北隅一在欽德鄉閑四五保一

在安樂鄉靈源二三保一在同化鄉郎王界一在孝行鄉

後查界一在常熟鄉山後界一在長安鄉吳王界一在止

戈鄉古城界

城隍廟 在縣治東明洪武初知縣魏本初建宏治五年
知縣孫冕重建嘉靖七年知縣王確重建萬曆丙辰知縣
戴日強重修

國朝康熙三年知縣宋士吉重修

餘杭縣志

嘉應祠 在縣西南一十八里洞霄宮西廡後宋建炎間

建賜廟額元至正壬午重建祠下撫掌泉與大滌泉源通

號龍井初以宋紹興九年內旨詣洞投鐵筒得雨遂封善

應侯咸淳六年加封靈澤順濟孚惠廣佑公

成化舊志

咸淳六年勅文韓愈有言龍不得雲無以神其靈然則出
雲者山川也是必有神也以司凡近畿之地淵澤井泉滋

沉深碧間者旱乾之禱油然沛然龍乎神乎雖變化有不可測而民之受賜博矣特申錫嶽名尚褒陰號

按嘉應祠一名龍王仙官祠邑境龍祠有四此其一也
在縣西半里茗溪館基者曰龍祠瞰溪下有潭潭尚存
祠圯在縣東北四十里者曰白崖山龍王祠在縣西北
五十里齊亨山者曰齊亨龍王祠祠下有潭鄉民遇歲
旱詣祠禱之皆有應見縣志附錄于此

高岡福善王廟 在縣東北一十五里免函界唐大歷二
年縣西陂塘爲大水衝壞邑人甚恐走錢塘崇化鄉觀山
禱祠下大水爲之絕流事聞于官立廟封爲福善王

咸淳志

元末兵燬明洪武五年重建

餘杭縣志
下並同

按縣志舊傳爲周赧王廟也未詳何據

五顯靈官廟 在縣五里東南隅市初建于安樂山明洪武三年徙建今處舊志靈顯行祠卽此

東嶽廟 在縣南五里鳳皇山下宋熙寧間建元末兵燬明洪武八年邑人王彥英重建永樂十九年知縣林源復修正德五年道人徐慶募緣通修

三皇廟 舊在縣前之西後徙縣東明洪武四年廢

舊志

安鎮劉王廟 在縣通濟橋北堍東宋時建明洪武六年

重建

餘杭縣志

周府君廟 在縣南香泉坊內宋時建

舊志

仇王廟 在縣北一十五里仇山上有仇王廟故名下爲

仇溪

名勝志

廟垣周圍七里約高一十丈有洗馬池靈雞堆

養馬場宋紹興二年縣令張承嗣重建

咸淳志

明洪武八年

重建

餘杭縣志

白居易禱仇王文餘杭縣自去年冬迄今秋虎暴者非一
居易與師儒猥居牧宰慚無政化不能使渡河出境是用
虔禱于神正直
聰明盍鑒于斯

沂泊侯祠 在縣西北一十五里孝行鄉爲觀國山神宋

時烏珠兵迺祠下神尸其力鄉人拒之三日不得進事聞

于朝立祠祀之

萬歷舊志

太平靈衛王廟 在縣治之東後漢陳渾爲縣令有功百

姓祠之爲鎮城土地以段主簿郎典案從祀皆當時贊力之人也

成化舊志

先建廟于縣東半里後唐長興二年勅封太

平靈衛王徙建今所宋治平末縣令齊公新之元末兵燬明洪武二年重建永樂九年知縣林源復新之正德七年知縣彭辨之重修十五年知縣喻江撤像爲木主以祀

萬歷

舊志

扈大亮廟記王自東漢熹平間嘗宰是邑百姓爲之立祠後唐長興中封太平靈衛王蓋餘杭爲大溪橫截而衆山之水合流其中每遇雷雨天目之源一決則湍悍奔溢勢不可禦邑人患之王以溪南大野其地汙下足以潄水于是築塘環繞凡三十餘里號曰南湖卽湖之西北鑿石門以通大溪鍾洩其水遂亡墊溺之患而又徙置縣治葺城池造舟梁置堰開濠至今賴其賜治平末縣令齊君新其廟貌大亮書此于石以永其傳焉

按舊志作宋治平末縣令齊公徙建今所誤今據成化

志改正

三義廟

在縣南二里南湖塘

餘杭縣志下同

關王廟

在縣西數十步舊傳縣西舖基是也神降于箕

卜地在此因建之祈禱神驗西有官廳三間內祠賢縣令

高張林盧四公

諸葛使君廟

在縣南十四里禪山下祥符舊志縣人諸

葛琮有賢德後漢時為河間守居禪山卒葬其旁降神于

巫能興雲致雨邑人廟祀之唐貞觀二年建梁乾化五年

封永昌侯

咸淳志

明洪武四年重建

舊志下並同

靈通將軍廟 在縣東南一里豐樂坊內祀吳將軍凌統
餘杭人廟號靈通蓋方言之訛

蕭王廟 在縣東南十餘里蕭王臺上祀梁昭明太子蕭
統

歸府君廟 在南湖塘唐寶歷間歸珣爲縣令脩湖築塘
有功于民建廟祠之立石紀功

成化舊志

元末兵燬今徙山川

壇南

舊志

聖夫人廟 在縣東二里山西園傳唐縣令歸珣夫人與
珣俱死水難獨夫人屍流至此有顯異立廟祀之

縣志

胡將軍廟 在縣東南一里有奇或云唐江州守將胡則

也祈禱雨暘屢有徵應明洪武三年重建

舊志下同

羅平王廟 在縣北五十里浮里界羅姚山下舊傳羅隱

居此里人立廟祀之

惠澤祠 在縣南湖塘舊爲龜山書院祀宋楊公時明成

化間增祀漢陳公渾唐歸公珙俗稱三賢祠

萬歷舊志下同

嚴沉重脩祠記邑南有巨湖漢令陳公渾所鑿通苕溪以泄水者也唐令歸公珙能循其跡有宋楊公時與水利拒蔡京相塚之謀宋人築祠以祀稱龜山書院歷久湮蘊鞠爲蔬圃明少保鄒康靖公幹尋復故址因念三賢之功德及民者大從諸父老意請于官合祠而奉之顏曰惠澤沈仲璘詩一鑑湖山老三朝惠澤新桑麻看匝地桃李沐長春天杜青排障熬亭碧沈塵夕陽依故院留照古今人

正儒祠 在儒學禮殿之東祀宋龜山楊子考亭朱子明

嘉靖二十一年建

萬開容記餘杭解邑也龜山楊文靖公晦菴朱文公宋闕
人也曷祀之昔楊公宰餘杭文公提舉洞霄也宰餘杭提
舉洞霄衆矣曷爲專祀二公二公道學正儒承孔孟之統
者也或曰龜山久祀湖上晦菴亦近祀洞霄矣奚改爲余
曰以水利祀龜山特其一節耳未可也以道觀祀晦菴固
無浼焉殆薰蕕同貯未可也宜皆專祀于宮墻或又曰龜
山之道南傳之豫章延平以授晦菴同祠並祀如何余曰
同堂異室夫何嫌嗟夫二公于今幾四百年而廣祀羣舉
固有時哉

朱文公祠 在縣西南一十八里

餘杭縣志

馬燧祠記學南十里餘有洞霄宮存紫陽夫子遺像夫子
固配享文廟者也而洞霄之祀乏焉夫子同里志初程侯
歲壬寅來土是邑遊洞霄謂像不可無祠也捐俸
購田爲共祀計而邑人洪都慨然以已田應焉

廣福李王廟 在縣東南一里許南渠河土人指爲宋李

顯忠廟自元迄今邑民奉之明洪武六年重建永樂六年

知縣林源修正德元年邑人鄒煜復新之

舊志下同

護塔明王廟 在縣東南安樂山之東麓

新堰侯王廟 在縣東四里部伍橋之右側其神靈應爲

一方保障明萬歷三十七年水決廟獨屹立邑人重建

餘杭

縣志

張六五相公廟 在縣東一里鳳儀塘上

舊志下並同

天曹廟 一在閑林鎮欽德鄉一在南湖塘舊屬龜山書

院後增三賢祠禱祀者訛爲天曹今因之

張令公廟 在縣東南一十五里章鄭保祈禱有驗

搖相公廟 在縣東北二十五里石瀨鎮明洪武三年重建

舟枕寶山明山廟 在縣西北二十里舟枕山旁

旌德祠

在鳳山

餘杭縣志下同

鄒虞祠記若邑之南曰鳳山鄒氏二世祠堂在焉先承樂二十一年文敏公歿墳而不祠洪熙改元之初始建祠以祀成化五年再祠以祀康靖文敏諱濟字汝舟康靖諱幹字宗盛

程公祠

在縣東南五里面南渠河祀邑令程汝繼邑人

因形家言祠係一邑水口舊址低隘

國朝順治十八年知縣宋士吉鳩工修砌增拓尋丈植松其上
忠義節孝祠 忠義祠在縣學內節孝祠在山西園東南

一畝便民倉舊址

國朝雍正四年知縣閻紹祖奉文建

浙江通志

臨安縣

先農壇 在城東門外南北都一畝

國朝雍正六年知縣張桐奉文建立壇宇并置藉田四畝九分

浙江通志

社稷壇 在縣西半里

嘉靖臨安縣志下同

風雲雷雨山川壇 在縣南半里

邑屬壇

在縣北

萬歷舊志

鄉屬壇 一在南北鄉 一在興福鄉 一在安義鄉 一在奉

亭鄉一在靈奉鄉一在新西鄉一在永安鄉一在高陸鄉
一在金岫鄉一在辰隆鄉一在慶仙鄉一在谷昌鄉一在
慶雲鄉一在天日鄉一在奉東鄉一在大雲鄉一在山川

鄉

成化
舊志

城隍廟 在縣治東南鄉舊在縣北元末兵燬明洪武三

年知縣袁思謙重建今處

舊志

國朝乾隆初邑人胡文銘等創捐脩葺

臨安縣
志下同

獨山廟 在治東安義鄉山下有潭遇旱禱之卽應五代

唐同光五年吳越王封其神爲鎮水山王立廟祀之勒制
于石明洪武八年旱甚令賈鵬程率士民禱于廟日方午

禱畢雨立至

靈澤廟 在徑山能仁寺神為神龍歲旱禱多應宋紹興

八年賜額累封顯應孚佑昭濟龍王

成化舊志

惠濟廟 在縣西四十里本天目山龍王也宋淳祐八年

禱雨立應趙與憲請于朝封靈佑賜廟額

萬歷舊志

國朝乾隆十八十九年間知縣趙民洽禱雨屢應捐俸重建

臨安

縣志

黃鼎象詩紫陽宮外古龍潭潭底龍王駕法駢久嘆長天
炎作苦忽看赤日澍隨甘額懸華表中書字經衍高齋老
佛曇畢竟浮生塵世
夢何如此際學和南

東嶽廟 在縣治七里福興鄉玉泉山下內有玉皇閣三

清閣 萬歷舊志

國朝雍正間脩建

臨安縣志

郭九會禱雨詩不惜憂民髮有絲禱祈將欲遍羣祠黃沙
白草開新徑綠樹紅橋覆舊池縱得甘霖猶恨晚倘逢小
歉亦啼饑何緣博得明
神顧泰岳靈雲雨四陲

三皇廟 在縣西南元遂嚕噶齊納薩建秘書少監黃潛

撰碑

成化舊志

彭祖廟 在縣東北谷昌鄉

萬歷舊志

蘇軾詩跨歷商周看盛衰
改將齒髮鬪龜蛇空餐雲母連山盡不見蟠桃着子時

關帝廟 在拱極門內一在青山鎮明萬歷三十七年知

縣黃鼎象建

臨安縣志

永定廟 在縣西北三里安義鄉唐咸通十四年建舊志

云本東晉虞府君也唐乾寧二年吳越王奏封濟安侯梁

乾化三年加封永定王

咸淳志

東平王廟 在治東南沙井門外

臨安縣志下同

康濟侯王廟 在保錦山舊治東祀吳越錢王

吳越武肅王廟 後唐長興建

咸淳志

在縣東今廢

臨安縣志

錢王太廟 在縣東今有廢址

咸化志

錢王生祠 在縣西叢桂坊北官墩祠廢址存

高歷舊志

土地祠 在縣治儀門外錢王遺事云王晝寢湯沸童子

恐驚王以水沃之使無聲王適寤怒曰是能窺我心事者

遂殺之童現形王懼遂封爲土地血食不絕

萬歷舊志下同

謝聖廟 在縣西南北鄉

晏公廟 在聚金門外祀元晏仔戊

國朝乾隆八年除夕附廟市民失火沿燒房屋數十間比及神

座不救自息其靈異如此

臨安縣志

馮令公廟 一在治東門外一在亞管一在沃潭壩一在

橫板溪鎮

萬歷舊志下並同

懷柔王廟 在縣北大雲鄉

閩山廟 在縣西北金岫鄉

西洲廟 在縣南南北鄉功臣山麓

靈應侯夏總管廟 在縣北辰龍鄉

大廟 在高陸鄉舊縣治基

舊志

五柳山王廟 在縣東谷昌鄉卽忠正李王廟

萬歷舊志下同

華光廟 在縣東谷昌鄉

戴侯祠 在學宮東邑人建以祀

國朝初知縣戴祚昇今廢

臨安縣志

忠義節孝祠 忠義祠三間碑一座在學宮門內東偏節

孝祠三間牌坊一座在學宮外大成坊東隅

國朝雍正六年知縣朱琬奉文建

浙江通志

於潛縣

先農壇 在鎮郭坊東郊

國朝雍正六年知縣王自麒奉文建立壇宇并置精田四畝九

分

浙江通志

社稷壇

在縣西寶城里

成化舊志下並同

風雲雷雨山川壇 在縣南一里金鷲山下

邑厲壇 在縣北一里石龍塢口

鄉厲壇 一在嘉德前鄉一在嘉德後鄉一在惟新前鄉

一在惟新後鄉一在豐國前鄉一在豐國後鄉一在波亭

鄉一在潛川鄉一在長安前鄉一在長安後鄉

城隍廟 在縣治西街舊在縣東宋隆興初令葉衡徙今

處元至正十年兵燹明洪武三年令梁誠重建

昭應廟 在天目山舊爲龍王祠在縣北宋崇寧三年賜

額政和三年封淵源侯累封孚惠王

萬歷舊志下同

靈惠廟 在縣西南三十五里舊爲浪山祠宋紹熙四年

令邵文炳以靈應聞于朝嘉泰元年賜額

天妃別廟 在縣西三里觀山宋咸淳間建元至正初夏

旱江浙省守臣遣使致禱雨遂告足廟有黃潛禱雨右刻

成化舊志

五顯廟

在西門外

於潛縣志下並同

三皇廟

在坊郭

徐偃王廟 廟二皆去縣治十五里元和姓纂曰偃王之
後居於潛爲望族廟宇皆徐氏建

虞將軍廟 在縣北二十里祀漢虞詡

按縣志虞詡字長孺東漢名臣然與於潛縣無涉洪忠
文題名記曰東晉虞府君爲吾邑長吏有遺愛此爲近
之廟有古栢蒼秀拔俗相傳漢時所植

關帝廟 在治西二十步舊志爲府館尋廢

國朝順治初建

皇甫君祠 在縣治東戴石村祀漢皇甫嵩

舊志

吳度祠記於潛東距縣十五里有山曰皇甫巖有廟曰皇
甫祠按舊縣志謂後漢皇甫嵩破妖賊許生嘗駐兵于此

有冶鑄郊壇城寨尚存蓋民賴公平賦于是姓其山曰皇甫巖又爲之立祠也祠初立于山頂崇寧甲申徙于姚家巷慶元己未又徙于資聖院左別祠十有一所水旱疾疫有禱輒應歲久人或訛皇甫爲黃杜爲黃洞咸淳甲戌十月之望邑士陳惠道請記其事

任府君廟 廟二皆在治南祀梁任昉字彥升爲新安太守政清白吏民便之立祠祀焉祠當在新安或曰風及隣

邑故亦祠之

舊志

按宋徐保義宰是邑捍禦方臘金人有功繪像祀於城隍廟廡名全節祠見成化志而省郡邑各志俱失載今

附識

忠靖王廟

在縣西十八里菩山祀唐睢陽張中丞

於

縣志
下同

祠山別廟 在豐國後鄉祀唐張焘

三賢祠 在縣西一里野翁亭之右朱刁璫毛國華爲令

有德政東坡倅杭行縣至邑皆爲賦詩上云皆云犬吠足
生甃一云蝗自識人人不識蓋道其實也慶元初令趙彥

倅立蘇刁祠名二賢堂開禧二年令胡衛增毛長官像改

曰三賢堂春秋二仲丁學職致祭

成化舊志下同

二賢祠 在縣南半里宋縣令葉衡嘗爲民除無名錢邵

文炳爲減山鄉折米之值民思之立祠

柯相公廟

在大溜

於潛縣志
下同

白沙廟 在白山

普惠廟 在嘉德前鄉

忠義節孝祠 二祠俱在本縣南門外儒學前

國朝雍正六年知縣王自麒奉文建

浙江通志

新城縣

先農壇 在東門外郭都五畝

國朝雍正五年知縣羅燝奉文建立壇宇并置耜田四畝九分

浙江通志

社稷壇 在縣西北半里

萬歷舊志下並同

風雲雷雨山川壇 在縣南半里

邑屬壇 在縣治之北一里許

鄉屬壇 一在祥禽鄉一在折桂鄉一在七賢鄉一在永

昌鄉一在新登鄉一在太平鄉一在昌東鄉一在昌西鄉

一在安南鄉一在寧善鄉一在廣陵鄉一在縣北

成化舊志

城隍廟 在縣治東南明洪武八年建嘉靖六年袁澤重

建隆慶三年增後殿置祀田

新城縣志

廟前石坊邑人洪日昌

日皓禹湖建廟右集賢館邑人洪益豐建

東嶽行祠 在果園山麓改遷山巔明隆慶六年仍移建

故址

舊志

又一在廣陵鄉曰泰山行祠

新城縣志

三皇廟

在縣市登賢坊西

成化舊志

按此廟府縣志俱失載

關帝廟 一在城內十字街口一在西門外通濟橋一在

北門外一里

新城縣志
下並同

廣利廟 在昌東鄉

劉度廟記松溪廣利廟者威顯朱侯名徹字仲通仕晉爲
分水令既卒父老思之爲立廟松溪旁錢氏封安境通靈
侯大觀四年部使者以雨暘應禱奏請于朝詔易錢氏之
封曰威顯高翥詩廟自何年立門深晝不扇寒藤扶壞
壁秋草映疎櫺溪接東西碧山分
遠近青老巫逢客至漫說有神靈

東平王廟 在社壇內

許忠烈祠 在縣西二里塔山祀唐睢陽太守忠烈侯遠

朱乾道三年知縣耿秉請于朝賜額靈惠有司歲以公死

事日祀之明天順間郡守吳濬重建嘉靖間知縣袁澤脩
葺萬歷元年邑人工部侍郎方廉更新之

舊志

按明陳氏善曰前志載許睢陽公遠出唐右相敬宗之
胄蓋據唐書敬宗爲新城人邑中樹祠于祀典符矣及
攷鍾必萬鹽官雙廟記則公非杭新城之產論者謂此
邑不當有公祠雖然是亦豈非經者等哉許公忠節之
蹟人人遐企此地廟貌創于先朝疏請出于名尹卽考
覈未確疑信半之亦可以愜斯民仰止之懷作將來忠
義之勸陳氏此論可謂得傳疑之義矣夫祠廟所祀原
不必盡屬本邑之人至許公之爲杭人有唐書可据鄉

賢分祀尤深合於禮經者也惟海寧有顏魯公祠遂以魯公爲鹽官人傅會之說不可不更正爾

孫尙書廟 在太平鄉百丈村神名陟仕錢氏爲尙書任常州防禦時寇盜充斥調兵督戰竟歿于陣以卹禮歸葬墓在所居太平鄉百丈村之西廟立于斯雙楓合抱至宋

猶存

成化舊志

按尙書歿後立廟呂城六世孫邦高宗朝爲吏部郎中因使金道經呂城謁見祖廟題詩云吾祖持兵鎮此都投身九死定全吳一朝流矢中眸子千載忠魂列伯圖墓木但遺楓合抱廟庭還有像完軀英雄未必輸張許

青史功名今有無成化志載之今附錄於此

杜將軍廟 在縣西半里將軍名稜字騰雲爲吳越王錢

氏行軍司馬梁光化二年勅在鄉立稜生祠爲潤州刺史

卒有詩云八都八將七人亡受福由來我最長今日逝川

何所恨幸無顛躓汚家鄉後以其子建徽貴贈太師祠久

燬明洪武三年重建

成化舊志

唐大順二年錢鏐部將杜稜訪

得古城遺址因山拓而城之乾寧中董昌圍急城中無水

穿百尺不得泉稜禱之泉立至後人因名杜公井

名勝志

方廉廟記乾符間稜爲東安都將今縣治卽東安鎮也後

鏐滅昌稜爲兩浙都指揮使許在鄉建立生祠尋拜潤州

刺史而卒祠在縣西百步肇基于光化增建于嘉

泰重脩于嘉靖歲重九日有司致祭爲神誕辰也

靈休靈佑廟 在縣治北二里神姓張氏范氏官兵平方

臘二神俱有陰功宋宣和三年賜廟額張曰靈休范曰靈

佑

成化舊志

姚開府廟 在東洲鄉姚村祀宋襲慶節度使開府儀同

三司姚興

萬歷舊志

興爲賊寇和州赴援陣亡朝廷許爲立祠

新城

縣志

耿侍郎廟 在縣北二里侍郎宋令耿秉也秉宰是邑有

惠于民立生祠

浙江通志

輔德廟 在縣南太平鄉涿渚

舊志

方回廟記侯抗之新城人周姓雄名字仲偉生于宋淳熙十五年以嘉定四年卒舊像方巾綠袍巨鼻聳口魁岸瑰

頌依憑示現或托夢寐祈報響荅端平二年饒州言侯于德興祈門陰捍常山草寇旗甲金鼓恍惚雲際始封翊應將軍淳祐四年封翊應侯寶祐二年賜額輔德廟五年加封助順七年加正烈十年加廣靈徐士晉周孝子祠記宋淳祐間我邑有孝子周雄字仲偉者事後母素謹買于衢聞母病急破浪以出爲水所沒越日屍浮于江顯神于衢帝感其孝勅爲江神余地深川爲公桑梓里公之墳墓在焉公歿父老卽以其宅爲祠峰巒環抱古木陰翳江湖溯流抵廟而回瞻孝行顧不重乎哉

金龍大王祠 在南門外一里明天啟四年建

新城縣志下並同

劉公祠 在漁池山祀明知縣劉秉

張公祠 在城北一里祀明知縣張寔崇正九年建

潘將軍祠 在祥禽鄉神姓潘諱字衡

按縣志祠廟雖存而不知創建所自及神姓氏本末者

附載於此三義祠女仙廟在新登鄉多福廟孚惠廟保
民侯祠在折桂鄉章明府君祠昭應廟昭惠廟祚寧廟
在寧善鄉張員外祠石府君祠羅明府君祠牢山府君
祠在南新鄉福民侯廟在雞鳴山應瑞侯廟在下泊岸崇
福侯廟在苦竹村濟福侯廟在莊澤富民侯廟在後村歷
境侯廟在上汪積善侯廟在歷港鎮江侯廟在港口安民
侯廟在馬鞍山興慶侯廟在百丈山普慶侯廟在汪瀨行
宮廟在永昌鄉蕭將軍廟在廣陵鄉

忠孝節義祠 二祠俱在文廟左側常平倉舊基內

國朝雍正五年知縣羅燠奉文建

浙江通志乾隆四十四年通判攝

知縣王如金重修

縣冊下並同

文昌閣 在縣南門康熙四十年知縣張瓚建乾隆四十

四年攝縣王如金重建一在三溪鎮邑人洪青選建

關帝廟 在北門外攝縣王如金重脩

昌化縣

先農壇 在縣東南門外上清宮所

國朝雍正六年知縣俞又機奉文建立壇宇并置藉田四畝九

分

浙江通志

社稷壇 宋立壇在縣東一百五十步元別置于城西南之上灘園明洪武二年始于縣西卽舊慈濟院基建之後

以壇址迫山去西半里上黃嶺拓地改建

成化舊志下同

風雲雷雨山川壇 明洪武二年始建雙溪之南山下後

以渡水不便改築于上清宮之西其址狹隘又遷于縣城

東南

邑厲壇 在縣東北唐山之麓

萬歷舊志

鄉厲壇 一在永豐鄉下營一在吳安鄉上博一在金山

鄉廟千一在玉山鄉頰口

成化舊志下並同

城隍廟 舊在縣南一里元末燬于兵明洪武二年即舊

址創廟宇三間三年併其東真聖觀基及拓民地廣之

三皇廟 在縣東門內街南元末兵燬

許由廟

在箕山上

昌化縣志

按省志許由所隱箕山在河南登封縣昌化山名偶同

遂多傳會未足信也因舊志相沿錄而正之

伍公廟

在縣三十里覽村

舊昌化縣志

三賢祠

在儒學左祀晉許邁唐羅隱宋蘇軾

舊志

東平王廟

在朱柳邑人章炆有記

昌化縣志

東坡祠

在縣治前新亭左宋邑令章伯奮建又名新亭

萬歷

舊志

徐觀記熙寧間縣令陸元長臨北流爲亭蘇公軾經由亭上題詩記事有雙澗響空之語其後館四方之賓客開禧二年永嘉章侯顧其棟字頽圯因廢撤之別置館于上清宮之東偏卽故址一新其亭傍爲屋像東坡而祠之

晏公廟 在縣西三里鳳凰嶺

昌化縣志
下並同

朱將軍廟 在縣西七里洞元時勅建旱澇祈禱輒應一

在杜嶺

柯相公廟 在縣西七里西晚村一在大柳

周相公廟 在大柳

龍鬚廟 在縣西南三十里金村

陳府君廟 在縣南四十里湍口

俞公廟 在縣南四十里湍源

勝公廟 在縣南三十五里潘村

鄭公祠 在縣治左祀明知縣鄭國士

忠義節季祠 忠義祠在明倫堂西偏節孝祠在學宮西

偏

國朝雍正五年知縣黃河清奉文建

浙江通志

杭州府志卷九終